



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 17-noyabr

08-312-son

Toshkent davlat yuridik universitetida The Test of Legal English Skills (TOLES) huquqiy ingliz tili imtihonini o'tkazish jarayonlariga tayyorgarlik ko'rish va uni yuqori saviyada o'tkazish to'g'risida

O'zbekiston Respublikasi Prezidentining "O'zbekiston Respublikasida xorijiy tillarni o'rganishni ommalashtirish faoliyatini sifat jihatidan yangi bosqichga olib chiqish chora-tadbirlari to'g'risida" 2021-yil 19-maydagi PQ-5117-son qarori hamda O'zbekiston Respublikasi Vazirlar Mahkamasining "Xorijiy tillarni o'rganishni ommalashtirishni samarali tashkil etish chora-tadbirlari to'g'risida" 2021-yil 19-maydagi 312-son qarorida belgilangan vazifalar ijrosini ta'minlash, Toshkent davlat yuridik universiteti (bundan buyon matnda Universitet deb yuritiladi) tomonidan 2021-yil 31-may kuni Buyuk Britaniyaning "Global Legal English" Ltd. kompaniyasi bilan tuzilgan 1-sonli Hamkorlik shartnomasi shartlarini bajarish, shuningdek Universitetda The Test of Legal English Skills (TOLES) huquqiy ingliz tili imtihonini (bundan buyon matnda imtihon deb yuritiladi) yuqori saviyada o'tkazish maqsadida

BUYURAMAN:

1. Buyuk Britaniyaning "Global Legal English" Ltd. kompaniyasi tomonidan 2021-yil 17-iyunda berilgan sertifikatga asosan Universitet imtihonni o'tkazish bo'yicha rasmiy markaz sifatida ro'yxatdan o'tkazilganligi hamda imtihonni o'tkazishning navbatdagi muddati sifatida 2021-yil 25-noyabr kuni belgilanganligi ma'lumot uchun qabul qilinsin.

2. O'zbek tili va adabiyoti kafedrası (N.Ramazanov) imtihon jarayonini o'tkazish va nazorat qilish uchun ikki nafar professor-o'qituvchining ishtirokini ta'minlasin.

3. Buxgalteriya (M.Parpiyev) budjetdan tashqari mablag'lar hisobidan:

2021-yil 23-noyabr kuniga qadar Huquqiy tashabbuslar va innovatsiyalar markazi (S.Latipov)ning bildirgisi hamda "Global Legal English" Ltd. tomonidan taqdim etilgan to'lov hujjati (invoice)ga asosan, imtihonni o'tkazish uchun belgilangan to'lovni amalga oshirish;

Universitet Kengashi tomonidan belgilangan miqdorlarda imtihon jarayonini o'tkazish va nazorat qilishni tashkillashtirgan professor-o'qituvchilar uchun haq to'lash hamda imtihonni tashkillashtirish bilan bog'liq boshqa xarajatlarni moliyalashtirish choralarini ko'rsin.

4. Mazkur buyruq ijrosini nazorat qilish moliya-iqtisod ishlari bo'yicha prorektor A.Iminov zimmasiga yuklansin.

Rektor v.v.b.



I.Rustambekov

Loyiha kiritdi:

Huquqiy tashabbuslar va innovatsiyalar
markazi direktori

S. Latipov

Kelishildi:

Prorektor

A. Iminov

Bosh buxgalter

M. Parpiyev

Yuridik byuro
katta yuriskonsulti

E. Xosilov